

Karangan jenis Peribahasa - Tahun 6

Tulis sebuah karangan untuk menjelaskan maksud peribahasa " **Bagai aur dengan tebing**"

Kampung Teratai ialah sebuah _____ yang terletak di tebing Sungai Kelantan. Kebanyakan penduduk kampung ini bekerja sebagai penoreh getah. Terdapat juga antara mereka yang bekerja sebagai nelayan sungai.

Penduduk Kampung Teratai hidup bersatu-padu. Mereka saling menolong dan bekerjasama. Segala _____ mereka selesaikan bersama-sama secara bijaksana. Walaupun sekali-sekala berlaku perselisihan pendapat, namun mereka tidak pernah bermasam muka.

Sekiranya ada antara _____ yang mengadakan kenduri-kendara, mereka akan beramai-ramai menolong menyediakan peralatan seperti _____ khemah, menyusun kerusi meja, dan memasak nasi serta lauk-pauk. Begitu juga jika berlaku kematian. Mereka akan membantu menguruskan jenazah sehingga selesai dikebumikan.

Pada penghujung tahun lepas, Kampung Teratai telah dilanda _____ besar. Hujan yang lebat menyebabkan air Sungai Kelantan melimpahi tebing. Banjir besar ini telah _____ beberapa buah rumah penduduk. Banyak juga rumah yang rosak teruk. Ramai penduduk terpaksa _____ ke sekolah di Kampung Teratai. Ketika berada di pusat pemindahan, penduduk Kampung Teratai _____ memasak makanan.

Setelah banjir tersebut surut, penduduk Kampung Teratai bekerjasama membersihkan kawasan kampung dan _____ mereka daripada sampah-sarap dan lumpur. Mereka juga bergotong-royong membaiki rumah-rumah yang rosak. Selain itu, mereka juga membina pondok-pondok sementara untuk penduduk yang kehilangan rumah kerana dihanyutkan banjir. Mereka tidak pernah mengeluh walaupun terpaksa _____ masa dan tenaga.

Demikianlah keadaan hidup penduduk Kampung Teratai. Sikap kerjasama dan saling _____ dalam kalangan mereka amat sesuai dengan maksud peribahasa "Bagai aur dengan tebing". Sikap sebegini juga amat bertentangan dengan satu lagi peribahasa Melayu yang berbunyi " Bagai enau di dalam belukar".

mengorbankan

berpindah

banjir

masalah

mendirikan

menghanyutkan

perkampungan

membantu

rumah-rumah

penduduk

bekerjasama